

**POLU 'LETRE PLE MI 'LA
 □KPAA ZESU 'YI MU 'LA
 'YAA- TESALONIKI -WA 'E TA
 'MU NI**

**Polu 'letre ple mi 'la □kpa
 Tesaloniki Zesu 'yi mu 'e ni
 'bhe nḡblo**

Polu 'letre ple mi 'la □kpa Tesaloniki Zesu 'yi mu 'e ni, 'bhe 'yi, -e -Waanbhaa' 'pubwa- 'elwale 'pe 'mu a -za ma, -amasroyi, 'ali- mεε mu -yren mu 'la □kpa 'mu ta, 'mu 'laa 'ploole- 'mu 'kpalema Krisi 'yi, 'bhεε- Krisi -za so 'mu ni 'egbenεle. Polu zruwlaa- 'mu 'kpee, 'ke -ya pe 'mu ni dɔɔ -za 'la 'bhe 'yaa- 'mu -yrebatedɔ 'zi 'mu dɔ klen 'bhe 'yikunlele.

-A -le □lwa mi 'e 'yi (2 Tesaloniki 1), Polu zruwlaa- Tesaloniki Zesu 'yi mu 'e 'kpee -o ta -yren mu 'e ba zayi'. 'Bhεε- -e Mεεzan Zesu 'nuzaa- 'e 'bhe dɔ gbε drεεwoa- -o 'kpee, 'bhe 'pegee -o gole -za 'yi, 'bhεε- mεε 'la zan mu -o -yrenkpa' zii' -o ta 'mu 'krowoza 'e -Waanbhaa' 'kɔɔ.

Polu bɔ gbε drεεwoa- Mεεzan nuzaa 'e ta 'ezin- (2 Tesaloniki 2.1-12). -Amasroyi, mεε 'ke mu Zesu 'yi mu 'e -gblɔzi' -gaa 'ke -wa pe 'mu ni dɔɔ Mεεzan □nwa gban. Polu 'a □pia 'mu ni kpataakpa 'kaa, 'sani- Zesu 'nule- 'e plen-, mεε -yɔɔ' do nu 'pwεε- -a -yi 'elwale 'pe. -Za 'yɔɔ- kle -gloɔya' -o -a 'kɔɔ, 'bhεε- -e nu -wlenle'

-Waanbhaa' ma. 'Duŋ- Mɛɛzan Zesu nu a klɛɛ 'bhɛɛ- 'yee- mɛɛ -yɔɔ' 'ɛ ga.

Pɔlu pe Zesu 'yi mu 'ɛ ni dɔɔ -o dɔ 'egloɔle -waa' 'kpaleya 'ɛ 'yi, 'bhɛ 'pegee -o bo -o 'seriwole ma (2 Tesaloniki 2.13-3.5).

'Lɛtrɛ 'lɛɛ- 'lɛyanyrɛ 'ɛ -din (2 Tesaloniki 3.6-15), Pɔlu Zesu 'yi mu -lɛdɔ' 'ɛ ba jan -bhɛɛke' □woa. 'Bhɛ -jan 'ɛ 'bhɛ -le -yaa dɔɔ 'woo- Tesaloniki Zesu 'yi mu 'ɛ 'ke mu laa -o dɔle- -a -la 'ke -o yewo. 'Bhɛɛ- 'yee- Pɔlu 'a □pia -o ni dɔɔ -o 'bhɛ zan mu 'kpeelekan, -amasrɔyi, -o 'taawogbɛya 'ɛ gole -o -yoo -daanna -za mu 'le Kriɛ ba zayi' 'mu ma.

'Lɛtrɛ 'lɛyanyrɛ 'ɛ 'yi, Pɔlu 'woo- Tesaloniki Zesu 'yi mu 'ɛ 'pubwa-, 'bhɛɛ- -yoo 'dumawoa.

Pɔlu 'pegee -yaa' yewoyɔɔn mu 'ɛ -woo Tesaloniki mu 'ɛ 'pubɔ- 'zi

¹ Mi Pɔlu 'pegee Silasi 'bhɛɛ- Timote, 'o mɔɔ -le 'lɛtrɛ 'lɛɛ- □dia. 'Bhɛɛ- -kɔɔ Dɛ -Waanbhaa' 'pegee Mɛɛzan Zesu Kriɛ a mɛɛ -lɛdɔ' 'la -woo Tesaloniki -wa 'ɛ ta, 'woo- 'lɛtrɛ 'lɛɛ- 'kpa zii' 'ka mu -la ni.

² Bhaa -kɔɔ' Dɛ -Waanbhaa' 'pegee Mɛɛzan Zesu Kriɛ -li 'ka ma, 'bhɛɛ- -o waa yilabla 'ɛ 'na 'ka ni.

Bhaaplɛŋ 'kitikanza Kriɛ 'nu yi 'le

³ 'Ŋ nɛɛnɛ- mu, 'ke 'o -Waanbhaa' 'pubɔ- 'tanjii 'kaa- -za ma, 'bhɛ -o 'ke -za 'lrele- 'le. -Amasrɔyi 'ka 'kpaleya 'ɛ -Waanbhaa' 'yi 'bhɛ baan' -o 'kla zii' 'bhɛ ba, 'bhɛɛ- 'kaa- 'sɔlekeniya 'ɛ 'bhɛ baan' -o 'kla zii' 'bhɛ ba 'ezin-.

4 'Bhe ya 'e 'yi, 'o moɔ 'o baa 'ka mu 'yi -Waanbhaa' a mee -ledo' 'e 'plen-. -Amasroyi -o -yren 'pegee 'trebhɔ mu 'la 'kpen 'kpa zii' 'ka ta, 'ka 'mu 'yikun zii' 'bhe 'pegee 'ka 'kpale- bole -o Krisi 'yi.

5 'Ka ta -yren mu 'e 'mu -o -a zɔn 'zi 'bhii- -Waanbhaa' a bhaaplen mu 'kitikanle 'e 'ledɔɔle -o wlan 'e ni, 'bhe- 'bhe 'a zɔn 'bhii- 'kaa pe -le -Waanbhaa' a -bhlengebeya 'e 'le. -Amasroyi, 'ka -o -yrenbhele' zii' 'bhe- -bhlengebeya 'e ma.

6 Wlan 'e ni, -Waanbhaa' a -ledɔɔleya 'e ma, mee 'la zan mu -o -yrenkpa' zii' 'ka ta; -e nu 'bhe -yren yekε- 'e -zigole 'bhe zan mu 'e ma 'ezin-.

7 -O -yrenkpa' zii' 'ka mu 'la ta, -e nu -yitre' nale 'ka mu 'pegee 'o moɔ ni, 'ke Meezan Zesu 'pwela- -a -yi yi 'la 'le 'kee- da lafle' ma 'yee- 'pegee -yaa' -mlεke' -gloɔ mu 'e 'le.

8 -E nu nule 'te nre -gbene do -la -yi. Mee 'la zan mu laa -Waanbhaa' do, 'bhe- 'ke waa 'taawo- -kɔɔa' Meezan Zesu Krisi a -Jan 'Nrle- 'e ta, -e nu 'mu 'krowole.

9 'Bhe -yren 'e nu klele -yren -gbene 'le. -O nu 'bhe mee mu 'e 'plengole Meezan -Waanbhaa' ma yikpensee ta 'ke -dan' 'laa kle 'bhe ma, 'bhe- waa nu 'sɔle- -Waanbhaa' a gblaanya 'e 'yele -titi.

10 'Bhe yi 'e 'bhe- 'le, Meezan Zesu nu nule 'te. 'Ke 'bhe □kla, -e -yaa' mee 'wen mu 'la makwan- -yaa' pe 'le 'mu nu 'a 'tɔbhɔle; 'bhe 'pegee mee 'la zan mu 'e 'e 'kpa- -a -yi, 'mu 'kpen nu 'a -glinle', 'bhe- 'mu 'yrebhɔ -a zi. 'Ka mu nu klele 'bhe mee mu 'e ba, -amasroyi 'o -jan mu 'la □woa 'ka ni, 'ka 'ka □kpa' mu 'yi.

11 'Bhela- -yile, 'waati 'e 'kpen ba, 'woo 'seriwo

'kaa- -za ma. 'Wa 'yɛwo- -Waanbhaa' dɔɔ -e 'ka 'siila- 'taawogbeyā -gloɔn 'la 'kaama-, 'ka 'taawo- 'bhɛɛ- ta. 'Bhɛɛ- 'wa 'yɛwo- -a ma 'ezin- dɔɔ yaa -gloɔya' 'ɛ ma, 'kaa- zi 'bhii- 'ka 'ka zru maza 'lrele- mu 'la klɛ -e bhɔ 'ka ba 'mu klɛlele; 'bhɛɛ- 'kaa- 'kpaleya 'ɛ 'bhɛ 'lɛsɔ-.

¹² 'Bhɛ 'yi 'tɛ, mɔkpen' nu Mɛɛzan Zesu 'tobhɔle 'ka klɛza mu 'ɛ ma; 'bhɛɛ- 'ka mu nu 'tobhɔleya -srɔɔwolɛ 'yee- 'kɔɔ 'ezin-. 'Bhɛ -lileya 'ɛ da -kɔɔa' -Waanbhaa' 'pegee Mɛɛzan Zesu Krisi -la ba.

2

-Za mu 'la nu klɛle Mɛɛzan Zesu 'nu yi 'ɛ 'lɛɛ

¹ 'Nj nɛɛnɛ- mu, Mɛɛzan Zesu Krisi nu nule. 'Bhɛɛ- -kɔɔ' mu nu -kɔɔ' 'lɛkpale 'eke- ta -a -din. 'Bhɛla- -yile, 'woo- zan -za do -yɛwolɛ 'ka ma dɔɔ:

² 'Ka 'laa 'tolɛ- 'ke mɛɛ 'kɛdo- 'kpɔ 'ka zru- batɛdɔ, 'bhɛɛ- -e -gblaana kla 'ka 'yi, 'ke -ya pe 'ka ni dɔɔ Mɛɛzan nu yi 'ɛ □bhwa. 'Ali- 'ke mɛɛ 'ke 'a □pia 'ka ni 'kaa -Waanbhaa' 'bhɛ -jan 'ɛ □kpaa -a -lii oo, 'bhɛ 'pegee 'ke -ya □pia dɔɔ 'bhɛ -jan 'ɛ -daa 'o mɔɔ -la ba oo, 'bhɛɛ- 'ke -ya □pia dɔɔ 'o mɔɔ -le 'bhɛ 'lɛtrɛ 'ɛ □kpaa -a 'kɔɔ oo, 'ka 'laa 'ka 'kpale- 'bhɛ 'yi.

³ 'Ka 'laa 'tolɛ- 'ke -o 'ka 'yini- gbɛ do 'kpɔ ma. -Amasroyi 'sani- Mɛɛzan nu yi 'ɛ 'bhɔle- 'plen-, mɛɛ -bebe nu -wlɛnlɛ' -Waanbhaa' ma, 'bhɛɛ- -woo -bango' -yaa' -jan 'ɛ 'klosikunle 'ɛ 'yi 'elwale 'pe. 'Bhɛ blaana, -o pe 'la sii <Mɛɛ -Yɔɔ> 'bhɛ nu 'pwele- -a -yi. -Yoo 'ke 'siɛ pe 'le -jranama 'tɛ 'yi -Waanbhaa' 'kɔɔ.

4 'Yee- MEE -yoo 'ε nu -a -banjole -Waanbhaa' 'yi, 'bhe 'pegee -e nu -a -banjole bhaaplɛɲ mu gba pɛ 'tole- gba pɛ 'bhe 'yi. 'BhEE- -e nu gele yaale *-Waanbhaa' Gba 'Fε -gbɛɛ 'ε □la, 'bhEE- -ya pɛ -a 'gbu ma 'kaa -yoo 'ke -Waanbhaa' 'le.

5 'N 'yaa- 'ka ba 'waati 'la ba, 'η 'yee- -jan mu 'lEE- □woa 'ka ni, waa -o -li 'ka 'kpee εε?

6 'Duɲ- -zɔn pɛ 'la 'bhe -o 'yee- MEE -yoo' 'ε 'yikun zii', 'kooko- -e nu -a nu 'yi 'ε dole -o 'waati 'la ba 'bhEE- ba, 'ka 'gbu 'bhe do.

7 'Yee- -glooya' -yoo' 'la -yoo mEE mu kle 'zi -kala' mEE mu 'le -Waanbhaa' ma, -e yewole □saan gban gaanyi'. 'Duɲ- pɛ 'la 'bhe 'a 'yikwan□ 'kee- nu 'tenle- -zɔn ma, 'ke 'bhe 'laa gole -a -lEE, yaa so 'pwele -a -yi.

8 'Ke 'bhe -gwa 'yee- MEE -Yoo' 'ε -lEE 'waati 'la ba, 'bhEE- -e 'pwe a -yi 'tε. 'BhEE- MEEzan Zesu Krisi -lii -ploo 'ε nu 'yee- MEE -yoo 'ε dεle. 'BhEE- -a nu bhla 'ε zi 'tebhile -yrayra 'ε nu 'yee- MEE -yoo' 'ε 'kpaciele 'fenfen.

9 'Yee- MEE -yoo' 'ε nu 'pwεle- -a -yi 'ke -Setran' a -glooya' 'ε 'le -a ta. 'BhEE- -e nu 'sole- maza -gloon 'ε 'kpen 'pegee 'kpeeleni maza -toomasie mu 'ε 'kpen klele, 'kooko- 'kee- so mEE mu -yinile.

10 -E nu -za 'yoo- -gloon 'ε 'kpen klele, 'kooko- mEE 'la zan mu -o ni 'zi 'ε ta, -e 'mu 'yini-. -Woo 'ni 'zi 'ε ta, -amasroyi wlan 'la 'bhe 'yaa- so -o gole -za 'yi, 'bhe -za 'laa 'solε- -o ni.

11 'Bhela- -yile, -Waanbhaa' 'a □twa 'ke -glooya' -do -o -yini', 'bhEE- -woo kpa bhla 'yi.

12 'Bhe klegbeya 'ε 'yi, mEE 'la zan mu laa 'mu 'kpalε- wlan 'ε 'yi, 'bhEE- 'ke -za 'yoo- klele □swa 'mu ni, -Waanbhaa' a -kpan nu baale 'mu ta.

-Waanbhaa' Zesu 'yi mu 'ε makwan- 'mu gole 'kaama- -za 'yi

¹³ 'Ke -yoo 'o mɔɔ a pɛ 'le, 'o nɛɛɛ- mu, 'waa sɔ 'ploole -Waanbhaa' 'pubɔle 'kaa- -za ma, 'ka mu 'la 'ka -za sɔ Mɛɛzan ni 'egbenɛle bhe. -Amasrɔyi -Waanbhaa' 'ka mu -la makwan- 'elwale 'pɛ, 'kooko- 'ka sɔ gole- -za 'yi Lii 'Wɛŋ 'la -ya klɛ 'bhɛɛ- 'ka 'taawogbɛya 'ɛ klɛ 'wɛŋ 'bhɛ 'srɔyi, 'bhɛ 'pegee 'ka 'kpale 'la -yoo -Waanbhaa' a Wlan 'ɛ 'yi 'bhɛ 'srɔyi.

¹⁴ -Waanbhaa' 'ka 'siila- 'bhɛɛ- 'kaama-, -Jan 'Nrɛle- 'la 'o 'bhɛ ɔwoa 'ka ni 'bhɛ 'srɔyi. -E -yaa zi 'bhii- 'ka dɔ klɛ -kɔɔa' Mɛɛzan Zesu Krisi a 'tɔbhɔleya 'ɛ ba.

¹⁵ 'Bhɛ 'yi 'tɛ, 'o nɛɛɛ- mu, -ka bo 'eglɔɔle. 'O -jan 'oo -jan 'la ɔwoa 'ka ni, 'kee- ɔkla 'o 'liijan- mu 'le oo, 'kee- ɔkla 'o 'kɛ mu 'la yɔɔndia- 'lɛtrɛ 'yi 'mu 'le bhe oo, 'mu bo 'ka 'kpee 'eglɔɔle.

¹⁶ Bhaa -kɔɔa' Mɛɛzan Zesu Krisi 'pegee -kɔɔ' Dɛ -Waanbhaa' 'la -kɔɔ' -za ɔswa 'bhɛ ni, 'bhɛɛ- 'bhɛ ɔlia -kɔɔ' ma 'bhɛ 'fuudɔ- -kɔɔ' ta, 'fuudɔle 'la -dan' 'laa 'bhɛ ma, 'bhɛ 'pegee -e -yrikpaleya -lrele' 'la ɔnaa -kɔɔ' ni 'mu 'le.

¹⁷ Bhaa -kɔɔa' Mɛɛzan Zesu Krisi 'pegee -kɔɔ' Dɛ -Waanbhaa' 'ka zru 'ɛ pa 'fuudɔle 'le, 'bhɛɛ- 'kee- fanɔandɔ 'ka ta, 'kooko- 'ka sɔ klɛza -lrele' 'tɔle- klɛza 'lrele- 'bhɛ klɛle-, 'bhɛ 'pegee 'ke 'ka sɔ -jan 'lrele- -glɔɔn 'ɛ 'kpen 'wole.

3

Pɔlu -o Tesaloniki Zesu 'yi mu 'ε 'lia zii' 'kaa 'mu 'e 'seriwo -waa' -za ma

¹ 'Waa -jan 'leyanyre -le dɔɔ -ka 'ka 'seriwo 'waa- -za ma, 'kooko- Mɛɛzan -a -jan 'ɛ zen blaale- 'yrekpen- ꞑɔɔ, 'bhɛɛ- mɔkpen' 'a 'ledɔ- -a ma 'bhii- -wa -ledwa -a ma ɔɔnɛ- 'la gbɛɛn- 'ka ba ye.

² -Ka 'ka 'seriwo 'waa- -za ma 'ezin-, 'kooko- -Waanbhaa' mɛɛ -yɔɔ' 'pegee mɛɛ yienle mu kan 'o ma 'egbɔɔnle. -Amasɔyi mɔkpen' 'laa 'e kpa -Waanbhaa' 'yi.

³ 'Dun- Mɛɛzan zru -o do. -E nu fangandɔle 'ka ta, 'bhɛɛ- -e 'ka tagbin- -Setran' 'lɛɛ.

⁴ 'O 'kpale- -o -a -yi 'ka ba -zayi', dɔɔ 'o -za mu 'la ꞑpia 'ka ni, 'ka -o 'mu kle 'zi, 'bhɛɛ- 'ka nu bole 'mu klele ma yikpensee.

⁵ Bhaa Mɛɛzan bhɔ 'ka ba, 'kooko- 'ka -za sɔ -Waanbhaa' ni ɔɔnɛ- 'la gbɛɛn-, 'ka 'bhɛ dɔ, 'bhɛ 'pegee, 'kooko- 'ka 'ka zrubakpalaa 'bhii- Krisi 'bhɛ zrubakpalaa ɔɔnɛ- 'la gbɛɛn- -yɛn 'yi.

Pɔlu -a -liawli' yewole ba zayi'

⁶ 'N nɛɛnɛ- mu, 'o -za 'lɛɛ- 'bhɛ 'kpankpanyanle 'ka ma Mɛɛzan Zesu Krisi 'tɔ 'yi dɔɔ -kɔɔ' nɛɛnɛ- 'tɔle- -kɔɔ' nɛɛnɛ- 'la lrwawo, 'bhɛɛ- -a bole -o 'kaanle- 'te ma, 'bhɛ 'pegee 'ke yaa 'taawo 'o 'ka -daanna -za mu 'la 'le 'mu zi, -ka 'ka 'plenggo- 'bhɛ zan 'ɛ ma.

⁷ 'Kaa kle ɔɔnɛ- 'la gbɛɛn- 'bhɛɛ- 'ka 'ka kleza kpa 'waa pɛ kleza 'ɛ ma, 'ka 'gbu 'bhɛ dɔ. -Amasɔyi 'o 'yaa- bhla 'la ba 'ka ba ye, 'waa lrwawole.

⁸ Waa mɛɛ 'kedo- 'kpɔ a pɛbhlele bhaama. Drɔɔn' -bi zi oo, -yrekpaa' oo, 'o yewoaꞑ 'eglɔɔle, 'bhɛɛ- 'o 'trɛbhwaꞑ; 'kooko- 'o sɔ 'o 'gbu

mazagole, 'bhεε- 'waa kle mεε 'kedo- 'kpo ta 'kwe 'le.

⁹ 'Wa klelawoa 'bhe gbεεn- bhe, yaa klele 'bhii- 'bhe 'sej 'laa -yaa 'o ni 'ke 'o pebhle 'ka ba. 'Duη- 'o yewoa- 'ke 'woo 'gbu mazago, 'kooko- 'ka 'bhεε- yeke- za kle.

¹⁰ 'O 'yaa- 'ka ba ye 'waati 'la ba, 'o 'bhe 'toη 'ε -dwa 'ka ni dɔɔ «'Ke mεε 'o mεε 'la zan laa -a zi 'bhii- -e yewo 'bhe zan laa pelele -titi.»

¹¹ 'Wa □maa dɔɔ 'ka ba mεε 'ke mu -o lrwawo 'zi, 'bhεε- -o bole -o 'kaanle- ma, 'ke -woo gaan bɔ mεε -bhεeke' mu a -za mu 'yi.

¹² 'Bhela- -yile, 'wa 'pe zii' 'bhe zan mu ni, 'ke -o zruwla 'mu 'kpεe Mεεzan Zesu Krisi 'to 'yi dɔɔ -o yewo 'tanjii, 'bhεε- -woo 'gbu mazago.

¹³ 'Ka mu 'gbu 'o nεεε- mu, 'ka mu gbε zi 'laa 'kanle- -za 'wlan klele ma.

¹⁴ 'O -jan mu 'la □woa 'ka ni 'letre 'lεε- 'yi, 'ke mεε 'la zan 'e -bangwa 'mu -klosikunle ma, -ka 'bhe zan 'kpa 'ka 'yre 'le, 'bhεε- 'kaa- -za 'ke 'laa klele 'eke- ta 'bhe zan 'ε 'le, 'kooko- -yralado -a ma.

¹⁵ 'Duη-, 'ka 'laa 'kunle- 'bhii- 'ka 'soonnii, -kaa -lia 'bhii- 'ka nεεε- do gbεεn-.

Pɔlu 'srawoyre 'pegee yaa 'dumawoyre

¹⁶ 'N nεεε- mu, bhaa yilabla -o Mεεzan 'la 'kɔɔ, 'bhe 'gbu yilabla 'na 'ka ni 'waati 'ε 'kpen ba, 'bhe 'pegee yre 'ε 'kpen □noɔ! Bhaa Mεεzan -Waanbhaa' kle 'ka 'kpen ba!

¹⁷ 'Mi 'gbu Pɔlu -le 'seweyɔɔn 'lεε- de 'zi -ge: «'Mi Pɔlu 'ka 'pubwa-». 'Mi 'η 'gbu gbεblaan kpalaa' 'an 'letre mu 'ε 'kpen □la 'bhεε- gbεεn- gee' bhe. 'Mi 'gbu gbεblaan -le 'bhe 'le bhe.

¹⁸ Bhaa -kooa' Meezan Zesu Krisi -li 'ka 'kpen
ma!

Mwan
The New Testament in the Mwan language of Côte
d'Ivoire

copyright © 2006 Wycliffe Bible Translators, Inc.

Language: Mwan

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

1220066e-ed9e-5c66-9c3b-435a6575b8da